

ՀՈՒՆՎԱՐ/ՓԵՏՐՎԱՐ#23

ԺԱՄԱՆԱԿԻՆ ՀԱՄԱՔԱՅԼ



ՀԱՅԱՍՏԱՆՈՒՄ ԼԳՔՏԻ ԱՆՁԱՆՑ ԻՐԱՎՈՒՆՔՆԵՐԻ ՈՏԼԱՀԱՐՄԱՆ ՎԵՐԱԲԵՐՅԱԼ ՀԵՏԱԶՈՏՈՒԹՅՈՒՆ

Էջ 01

«ԱՌՈՂՋ ԲԱՆԱԿԵՃԻ ԽՐԱԽՈՒՄՈՒՄԸ ՆՊԱՍԵՑ ՍԵՄԻՆԱՐԻ ԷՖԵԿՏԻՎՈՒԹՅԱՆԸ»

Էջ 02

«ՓՈՐՁՈՒՄ ԵՆՔ ԽՐԱԽՈՒՄԵԼ ԲԱՐԵԽԻՂՃ ԵՒ ՊՐՈՖԵՍԻՈՆԱԼ ԼՐԱԳՐՈՂՆԵՐԻՆ»

Էջ 03

ՄԻԱԿ-Ը ԵՎ ԼԳՔՏԻՔ ԱՎՏԻԿԻԶՄԸ ԹԵՄԱՅՈՎ ԱԾԽԱՏԱՆՔԱՅԻՆ ՀԱՆԴԻՊՈՒՄ ԲՐՅՈՒՄԵԼՈՒՄ

Էջ 04

ԴԱՍԸՆԹԱՑ ԶԱՂԱՔԱՊԵՏԱՐԱՆՆԵՐԻ ՆԵՐՎԱՅԱՑՈՒՑԻՉՆԵՐԻ ՀԱՄԱՐ ԳՅՈՒՄՐԻՈՒՄ

Էջ 04

ՔՆՆԱՐԿՈՒՄ ՄԻԱԿ-ԻՆ ԱՌՉՎՈՂ ԾՐԱԳՐԵՐԸ ԵՎ ԱՌԱՅՈՒԹՅՈՒՆՆԵՐԸ ՊԵՏԱԿԱՆ ՖԻՆԱՆՍԱՎՈՐՄԱՔ ԻՐԱԿԱՆԱՑՆԵԼՈՒ ԹԵՄԱՅՈՎ

Էջ 05-06

ԳԼՈՔԱԼ ՀԻՄՆԱԴՐԱՄԻ ՏԱՐԱԾԱԾՐՁԱՆԻ ՊՈՐՏՖՈԼԻՈ ՄԵՆԵՁԵՐ ՎԱԼԵՐԻԱ ԳՐԻՇԵՉԿԻՆԱ

Էջ 06

«ԶՀԿ-ՆԵՐԸ ԱՌԱՋՆԱԳՑՈՒՄ ՀԱՆՈՒՆ ՀԱՎԱՍԱՐ ԻՐԱՎՈՒՆՔՆԵՐԻ» ԵՌՈՐՅԱ ԴԱՍԸՆԹԱՑ

Էջ 07

SUS-ՆԵՐԻ ԵՒ ՏՐԱՄԱՍ՝ ԱՆՁԱՆՑ ԿԱՐԻՔՆԵՐԻ ԳՆԱՀԱՏՈՒՄ

Էջ 07

ՀԱՂԱՔԱՀԱՐԵՆՔ ՄԻԱԿ-Ի ՆԿԱՏՄԱՔ ՎԱԽԵՐԸ ՄԻԱՍԻՆ ԹԵՄԱՅՈՎ ՀԱՆԴԻՊՈՒՄ

Էջ 08-09

ՀԱՄԵՐԱԾԽՈՒԹՅԱՆ ԸՆԹՐԻՔԸ «ՆՈՐ ՍԵՐՈՒՂ» ՄԱՐԴԱՍԻՐԱԿԱՆ ՀԿ-Ի ԳՐԱՍԵՆՅԱԿՈՒՄ

Էջ 09-10

ԼԳՔՏԻ ԱՆՁԱՆՑ ՆԿԱՏՄԱՔ ԽՏՐԱԿԱՆ ՎԵՐԱԲԵՐՄՈՒՆԵՐ՝ ԱՏԵԼՈՒԹՅԱՆ ԽՈՍՔԻ, ԳԵՆԴԵՐԱՅԻՆ ԿԱՐԾՐԱՏԻՊԵՐԻ ԵՎ ՄԱՐԴՈՒ ԻՐԱՎՈՒՆՔԻ ՈՏԼԱՀԱՐՄԱՆ ԴՐԱՎՈՐՈՒՄՆԵՐԸ ՀԱՅԱՍՏԱՆՈՒՄ

ՍՈՑԻՈԼՈԳԻԱԿԱՆ ՀԵՏԱԶՈՏՈՒԹՅՈՒՆ



ԼԳԲՏԻ ԱՆՁԱՆՑ ՆԿԱՏԱՄԱՐ ԽՏՐԱԿԱՆ
ՎԵՐԱԲԵՐՄՈՒՆԵՐԻ՝ ԱՏԵԼՈՒԹՅԱՆ
ԽՈՍՔԻ, ԳԵՆԴԵՐԱՅԻՆ ԿԱՐԾՐԱՏԻՊԵՐԻ
ԵՎ ՄԱՐԴՈՒ ԻՐԱՎՈՒՆԵՐԻ ՈՏՆԱՀԱՐՄԱՆ
ԴՐՍԵՎՈՐՈՒՄՆԵՐԸ ՀԱՅԱՍՏԱՆՈՒՄ

ՍՈՑԻՈԼՈԳԻԱԿԱՆ ՀԵՏԱԶՈՏՈՒԹՅՈՒՆ

ԼԳԲՏԻ անձանց նկատմամբ խտրական վերաբերմունքի՝ ատելության խոսքի, գենդերային կարծրատիպերի և մարդու իրավունքների ոտնահարման դրսևորումները ՀՀ-ում հետազոտությունն իրականացվել է «Նոր Սերունդ» Մարդասիրական ՀԿ-ի կողմից Նորվեգիայի Հելսինկյան Կոմիտեի ֆինանսական աջակցությամբ: Հայաստանում անհանդուրժողականությունը, խտրական վերաբերմունքը, ատելության խոսքի դրսևորումները և իրավունքի ոտնահարումը ԼԳԲՏԻ համայնքի նկատմամբ շարունակում են խնդիր մնալ: Անհանդուրժողականությունը փակ շղթայի պես պատվում է հանրության տարբեր օղակներով՝ հեռուստաթերթերից մինչ ընտանիք, ընտանիքից մինչ ուժային կառույցներ, քաղաքական, քաղաքացիական, սոցիալական նախաձեռնություններից մինչ միջանձնային հարաբերություններ: Այն տարբեր հանրային գործընթացներին զուգահեռ հասարակության տարբեր օղակներում ունենում է իր բուռն դրսևորումները: ԼԳԲՏԻ համայնքի հիմնախնդիրների մասին տեղեկատվության պակասը, ոչ կոմպետենտ անձանց սիրողական տեսակետների հանրայնացումը ՁԼՄ-ների կողմից, անձի սեռական կողմնորոշման փաստի շահարկումը քաղաքացիական և քաղաքական գործընթացներում ձևավորելով գենդերային կարծատիպեր՝ նպաստում են ԼԳԲՏԻ անձանց նկատմամբ իրականությունից զուրկ պատկերացումների ստեղծմանն ու դրանց

հանրայնացմանը: Այս ամենը մարդուն ներանձնային հոգեբանական բարդությունից տանում-հասցնում են մինչ մարդու իրավունքի խախտումների, արժանապատվության ոտնահարման, սեռական բռնության և այլ իրավախախտումներով լի հակաժողովրդավարական մի ճանապարհի, որով հնարավոր չէ մոտենալ և առավել ևս հասնել իրավահավասար, ժողովրդավար պետություն ստեղծելու տեսլականին, ինչի շնորհիվ միայն Հայաստանի Հարապետությունը կդառնա քաղաքակիրթ աշխարհի բաղկացուցիչ մաս:

Յուրաքանչյուր երկրում ԼԳԲՏԻ համայնքը տվյալ երկրի հասարակության անբախտելի մասն է՝ տվյալ հանրությանը բնորոշ դրսևորումներով, կարծատիպերով և սովորույթներով: ԼԳԲՏԻ անձիք անհանգստանում են նույն սոցիալ-քաղաքական հարցերով, մշակութային կամ սպորտային, կրոնական, իրավական, ռազմական և ամենատարբեր ոլորտներում առկա հիմնախնդիրներով, ինչ հասարակության մյուս անդամները: Որքան անհանդուրժող է հասարակությունը, նույնքան էլ անհանդուրժող կարող են լինել հենց ԼԳԲՏ համայնքի ներկայացուցիչները՝ իրենք իրենց նկատմամբ: Ուստի հանրային հանդուրժողականությունը խիստ կարևոր նշանակություն ունի առողջ հոգեկերտվածքով անձի և քաղաքացու ձևավորման գործընթացի վրա: Իսկ նման քաղաքացիների քանակական առկայությունը կարող է բերել հանրային որակական փոփոխության՝ ձևավորելով հանդուրժող, մարդու իրավունքը գնահատող, կրթված, խտրական վերաբերմունք ու բռնություն չհանդուրժող, ժողովրդավար հասարակություն:

Մինչդեռ Հայաստանում ԼԳԲՏԻ համայնքի նկատմամբ անհանդուրժողականությունը, հանրային տարբեր օղակներում պատվելով, արտահայտվում է մարդու իրավունքների խախտումներով, խտրական վերաբերմունքով և այլ բազմասեկտոր դրսևորումներով:



ԼԳԲՏԻ անձանց նկատմամբ խտրական վերաբերմունքի՝ ատելության խոսքի, գենդերային կարծրատիպերի և մարդու իրավունքների ոտնահարման դրսևորումները ՀՀ-ում հետազոտությունն իրականացվել է «Նոր Սերունդ» Մարդասիրական ՀԿ-ի կողմից Նորվեգիայի Հելսինկյան Կոմիտեի ֆինանսական աջակցությամբ:



Հունվարի 13-15-ը «Նոր Մերունդ» Մարդասիրական ՀԿ-ն սեմինար էր կազմակերպել մարզերի քաղաքացիական հասարակության կազմակերպությունների ներկայացուցիչների համար «Կարողությունների զարգացում հանուն մարդու իրավունքների պաշտպանության և խտրականության կանխարգելման» թեմայով: «Դասընթացը շատ լավ էր կազմակերպված: Ես նոր գիտելիքներ ստացա, ինձ համար հատկապես նոր էր «Անվտանգ տարածքներ» թեման: Մասնակիցները ևս ճիշտ էին ընտրված, մեր մեջ փորձի փոխանակում ևս եղավ», - իր տպավորություններով է կիսվում դասընթացի մասնակից, Եղեգնաձորի Քաղաքացիական Երիտասարդական Կենտրոնի ծրագրերի համակարգող Լիլիթ Խաչատրյանը:

Դասընթացին ներկայացվել են հետևյալ թեմաները.

- Մարդու իրավունքներ. հիմնական հասկացություններ, սահմանումներ, պաշտպանության մեխանիզմներ
- Խտրականություն, տեսակները և խտրականության արգելքով պաշտպանված հիմքերը, կանխարգելման միջոցները
- Մարդու իրավունքների խախտումների և խտրականության դեպքերի փաստաթղթավորում

➤ Աշխատավայրերը առավել ներառական դարձնելու գործողությունների պլանի մշակում:

«Սեմինարների ամենադրական կողմը ճիշտ ընտրված հաջորդականությունն էր, որով մատուցվում էր տեղեկատվությունը՝ մարդու իրավունքներ, խտրականություն, անվտանգ տարածքներ, ինչի շնորհիվ ունկնդիրները բավականին լավ ընկալեցին նյութը:

Պրակտիկ աշխատանքները, գործողությունների ազատությունը, որ տրվում էր դրանք կատարելիս, առողջ բանավեճի խրախուսումը նույնպես նպաստեցին սեմինարների էֆեկտիվությանը: Ընդհանուր, նամանավանդ դատելով ամեն դասախոսությանը բացականեր գրեթե չլինելուց, սեմինարը շատ լավ անցավ», - կարծում է Արտաշատի Քաղաքացիական Երիտասարդական կենտրոնի ներկայացուցիչ Բայանդուր Պողոսյանը:



Դասընթացը կազմակերպել էր «Նոր Մերունդ» Մարդասիրական ՀԿ-ն «Խտրականության դեմ պայքարի և հանուն

հավասարության» կոալիցիայի կողմից իրականացվող «Առավել շատ տեղեկատվություն, առավել քիչ խտրականություն. ՔՀԿ-ների և խոցելի խմբերի կարողությունների զարգացում և հզորացում» ծրագրի շրջանակում, որը ֆինանսավորվում է Բաց Հասարակության Հիմնադրամներ - Հայաստան կազմակերպության կողմից և նպատակ ունի հզորացնել ՔՀԿ-ների՝ խտրականության կանխարգելմանն ու ապահով տարածքների ստեղծմանն ուղղված կարողությունները:



«Նոր Սերունդ» Մարդասիրական ՀԿ-ի Մարդու իրավունքների և շահերի պաշտպանության ծրագրերի համակարգող Նարե Հովհաննիսյանը և լրագրող-հետազոտող Նանե Բագրատունին Մեդիա կենտրոնում ներկայացրել են կազմակերպության կատարած երկու հետազոտությունները՝ «Հայաստանում ԼԳԲՏԻ անձանց իրավունքների ոտնահարման վերաբերյալ» սոցիոլոգիական հետազոտությունը և «2016թ.-ին ԼԳԲՏԻ անձանց նկատմամբ էլեկտրոնային մամուլում խտրականության, ատելության խոսքի և բռնության կոչերի վերաբերյալ» գեկույցը: Նանե Բագրատունիի խոսքով՝ ԼԳԲՏԻ (լեսբի, գեյ, բիսեքսուալ, տրանս, ինտերսեքս) անձինք ամենաշատ խտրական վերաբերմունքի և բռնության են ենթարկվում իրենց ընտանիքներում և ուժային կառույցներում՝ ոստիկանությունում, կալանավայրերում, քանակում: Հետազոտությունն անցկացվել է Հայաստանի 10 մարզերում ու Երևանում, խորքային հարցազրույցներ են անցկացվել թվով 111 անձանց հետ: Նրանց մեծամասնությունը ԼԳԲՏԻ համայնքի ներկայացուցիչներ են: Վերջիններս նշել են, որ իրենց նկատմամբ ուժային կառույցներում դրսևորվել է խտրականություն՝ ուղեկցված հոգեբանական և ֆիզիկական բռնություններով: ԼԳԲՏԻ անձինք խտրականության են ենթարկվում նաև առողջապահական և կրոնական կառույցների կողմից: Նանե Բագրատունին իր խոսքում ընդգծեց, որ ԼԳԲՏԻ համայնքը

մեր հասարակության անքակտելի մասն է կազմում և իրենց էլ է հատուկ բոլոր այն կարծրատիպերը, որոնք առկա են հայաստանյան հասարակությունում: «ԼԳԲՏԻ համայնքի ներսում ևս կա խտրականություն: Օրինակ, նույնասեռականները ունեն տրանսֆորմա, նրանք չեն ընդունում տրանսսեքսուալ անձանց», - նշեց Նանե Բագրատունին: Նանե Բագրատունին և Նարե Հովհաննիսյանը նշեցին, որ ՋԼՄ-ները ևս նպաստում են ԼԳԲՏԻ անձանց նկատմամբ ատելության տարածմանը: «Մեր իրավաբաններն ուսումնասիրել են 30 հրապարակում, որից 10-ի մեջ կան ակնհայտ բռնության կոչեր, ատելության քարոզ՝ հենց վերնագրերում»:

Նարե Հովհաննիսյանը նաև ընդգծեց, որ լրագրողները հաճախ իրենց չիմացության պատճառով են վիրավորական արտահայտություններ գործածում: «Պատահում է, որ նյութը չեզոք է գրված, վիրավորելու նպատակ չունի, սակայն սխալ տեղեկանքների գործածությունը ևս վիրավորական է համայնքի ներկայացուցիչների համար»: Նարե Հովհաննիսյանը նշեց, որ ՋԼՄ-ներում ԼԳԲՏԻ անձանց վերաբերյալ տեղեկատվության որակի բարձրացմանը նպաստելու նպատակով «Նոր Սերունդ» Մարդասիրական ՀԿ-ն արդեն երկրորդ տարին անցկացնում է «Բազմազանություն» լրագրողական մրցանակաբաշխություն: «Անցած տարի մեզ ուղարկել են թվով 10 լրագրողական նյութեր, այսինքն՝ որակյալ նյութերի քանակը դեռ այդքան էլ շատ չէ: Մենք փորձում ենք խրախուսել լրագրողներին, որպեսզի նրանք բարեխիղճորեն և պրոֆեսիոնալ մոտենան իրենց աշխատանքին», - հայտարարեց Մարդու իրավունքների և շահերի պաշտպանության ծրագրերի համակարգողը:

*«Բազմազանություն 2016»
մրցանակաբաշխությունը տեղի կունենա
2017 թ.-ի ապրիլի 6-ին:*

ՄԻԱԿ-ը և ԼԳՔՏԻՔ ակտիվիզմը թեմայով աշխատանքային հանդիպում Բրյուսելում



2017թ.-ի փետրվարի 8-ից 10-ը «Նոր Սերունդ» Մարդասիրական ՀԿ աշխատակից Արման Սահակյանը մասնակցեց

[ILGA-Europe](#) կազմակերպության կողմից Բրյուսելում կազմակերպված «Կարողությունների զարգացում. ԼԳՔՏԻՔ հիմնախնդիրներով զբաղվող կազմակերպությունների դերը ՄԻԱԿ-ի և այլ սեռավարակների կանխարգելման ոլորտում» աշխատանքային հանդիպմանը:

- Թիրախային խմբերի հասկացությունը և սահմանումները
- ՄԻԱԿ-ը, դրա կանխարգելումը, փոխանցման ուղիները և բուժումը (նոր մոտեցումներ)
- Այլ սեռավարակներ
- ԼԳՔՏԻՔ համայնքը և ՄԻԱԿ-ի ոլորտում առկա ակտիվիզմը
- ՄԻԱԿ-ի ոլորտում ԼԳՔՏԻՔ ակտիվիզմի պատնեշները և դրանց հաղթահարման դիմելու
- Շահերի պաշտպանությունը երկրներում PreP-ի խթանման համար:

Հանդիպման ամենակարևոր հատվածն էր PreP-ի՝ որպես ՄԻԱԿ-ի կանխարգելման նոր մոտեցման քննարկումը աշխարհում և այդ ուղղությամբ շահերի պաշտպանության ռազմավարության ուրվագծումը: Հանդիպման ավարտին մասնակիցները մշակեցին համագործակցության նախագծերի իրականացման պլան առաջիկա 2-3 տարիների ընթացքում:

Դասընթաց քաղաքապետարանների ներկայացուցիչների համար Գյումրիում



2017 թ.-ի փետրվարի 8-10-ը Երևանի և ՀՀ մարզերի քաղաքապետարանների ներկայացուցիչները Գյումրիում մասնակցել են «Խտրականության արգելք՝ հանուն ժողովրդավար հասարակության» թեմայով դասընթացի, որը կազմակերպել էր «Նոր Սերունդ» Մարդասիրական ՀԿ-ն: Դասընթացի նպատակն էր բարձրացնել քաղաքապետարանների ներկայացուցիչների զգայունությունը ԼԳՔՏԻ խնդիրների նկատմամբ՝ ԼԳՔՏԻ անձանց մարդու իրավունքների խախտումների և պաշտպանության մեխանիզմների, նրանց նկատմամբ կիրառվող խտրականության և խոշտանգումների, ատելության

խոսքի դրսևորումների կանխարգելման մասին: Երեք օրերի ընթացքում քննարկվել են վերոնշյալ թեմաներին վերաբերող ուշագրավ հարցեր, որոնց դասընթացավարներ Արտակ Զեյնալյանը և Արա Ղազարյանը տվել են համապարփակ պարզաբանումներ: Առանձնակի ուշադրություն են դարձրել հատկապես այն հարցերին, թե որոնք են մարդու իրավունքների խախտումները և ինչ մեխանիզմներ են անհրաժեշտ ԼԳՔՏԻ անձանց մարդու իրավունքները պաշտպանելու համար, ԼԳՔՏԻ անձանց նկատմամբ խտրականությունն և ատելության խոսքը որ ոլորտներում է դրսևորվում, քննարկվել են ատելության խոսքի և խոսքի ազատության, զրպարտության և վիրավորանքի տարբերակումը, ինչպես նաև վերջիններիս կանխարգելման միջոցների ստեղծման և կիրառման միջոցները:

Դասընթացն իրականացվել է ԱՄՆ Միջազգային զարգացման գործակալության /USAID/ ֆինանսական աջակցությամբ իրականացվող «ԼԳՔՏԻ անձանց մարդու իրավունքների խթանում հայաստանյան հասարակությունում» ծրագրի շրջանակներում:



Հատուկ բեմականացումներ, դերախաղեր, «Իրավունքների երկրի» հատակագծում, ակտիվ քննարկում. այս ամենը տեղի էր ունենում Գյումրիում՝ փետրվարի 10-12ը, որի ընթացքում «Նոր Սերունդ» Մարդասիրական ՀԿ-ն մարզերի և մայրաքաղաքի լրագրողների համար հատուկ սեմինար էր կազմակերպել: Եռօրյա դասընթացի ժամանակ ներկայացվեցին և քննարկվեցին «Խոսքի ազատություն եւ ատելության խոսք», «Խարան եւ

խտրականություն, խոշտանգումներ», «Մարդու իրավունքների միջազգային կոնվենցիաներն ու ազգային օրենսդրությունը» թեմաները: Տեղեկատվությունը լրագրողներին մատուցվում էր ոչ թե դասախոսությունների, այլ ինտերակտիվ մեթոդով, որտեղ լրագրողներն իրենք դերակատարություն ունեին և գործնական աշխատանքների միջոցով էին բացահայտում հասարակությունում տարբեր սոցիալական խմբերի հանդեպ առկա խտրականության դրսևորումները և արծազանքում դրանց:



Սեմինարը կազմակերպվել էր «ԲՀԿ-ների և ՁԼՄ-ների հզորացում՝ հանուն Հայաստանում ԼԳԲՏԻ անձանց նկատմամբ խտրականության վերացման» ծրագրի շրջանակներում, որը ֆինանսավորվում է ILGA-Europe և COC Netherlands կազմակերպությունների կողմից:

Քննարկում ՄԻԱԿ-ին առնչվող ծրագրերը և ծառայությունները պետական ֆինանսավորմամբ իրականացնելու թեմայով



2017թ.-ի փետրվարի 10-ին «Նոր Սերունդ» Մարդասիրական ՀԿ-ի գրասենյակում տեղի ունեցավ հանդիպում «Դրական մարդկանց հայկական ցանց», «ԶԻԱՀ-ի կանխարգելման միավորում», «Ներուժ Ջարթոնք», «Նոր Սերունդ» Մարդասիրական ՀԿ-ների և Տղամարդկանց Առողջության Եվրասիական Կոալիցիայի փորձագետ Ելենա Նեչոսինայի հետ:

Հանդիպման նպատակն էր ներկայացնել Գլոբալ Ֆոնդի ծրագրերի ավարտից հետո ՄԻԱԿ-ին առնչվող ծառայությունները պետական բյուջեից ֆինանսավորման անցնելուն վերաբերող

հաշվետվության արդյունքները: Հանդիպման մասնակիցները քննարկել են պետական ֆինանսավորմանը անցնելու հարցերը՝ ըստ փաստաթղթի, որը կազմվել է քաղաքացիական հասարակության ներկայացուցիչների և Հայաստանի համայնքային կազմակերպությունների ազգային քննարկումների հիման վրա:

Ըստ քաղաքացիական հասարակության ներկայացուցիչների կարծիքի՝ խնդրի հիմնական պատճառներն են պետական բյուջեից թիրախային խմբերին և ՄԻԱԿ-ով ապրող

մարդկանց ՄԻԱՎ-ին առնչվող ծառայությունները պետական ֆինանսավորմամբ տրամադրելու հարցում հասարակական կազմակերպությունների հետ հաղորդակցության պակասը; թիրախային խմբերի, մասնավորապես ԼԳԲՏԻ, ԹՆՕ, ԿՍԿ և ՄԻԱՎ-ով ապրող մարդկանց նկատմամբ խարանի և խտրականության բարձր մակարդակը, նշված ոլորտներում խտրականության կանխարգելման իրավական մեխանիզմների բացակայությունը, թիրախային խմբերի և ՄԻԱՎ-ով ապրող մարդկանց՝ ՄԻԱՎ-ի հետազոտության, բուժման, խնամքի և աջակցության ծառայությունների հասանելիության խոչընդոտները:

Գլոբալ հիմնադրամի տարածաշրջանի պորտֆոլիո մենեջեր Վալերիա Գրիշեչկինան «Նոր Սերունդ» Մարդասիրական ՀԿ գրասենյակում



2017 թվականի փետրվարի 14-ին «Նոր Սերունդ» Մարդասիրական ՀԿ-ն իր գրասենյակում հյուրընկալել էր Գլոբալ Հիմնադրամի ներկայացուցիչ Վալերիա Գրիշեչկինային:

Քննարկման սկզբում ՀԿ նախագահ Սերգեյ Գաբրիելյանը ներկայացրեց այն բոլոր ծրագրերը, որոնք այս պահին իրականացնում է կազմակերպությունը:

Այնուհետև «ՄԻԱՎ-ի եւ ՁԻԱՀ-ի

կանխարգելումն ու տեղեկացվածության մակարդակի բարձրացումը SUS-ների եւ տրանսգենդեր անձանց շրջանում Լոռու, Շիրակի մարզերում եւ Երեւան քաղաքում» ծրագրի համակարգող Արտյոմ Մովսեսյանը ներկայացրեց 2016 թ.-ից մինչ օրս ծրագրի արդյունքները: Այնուհետև ծրագրի աուրիչ աշխատակիցները Վ. Գրիշեչկինային ներկայացրեցին իրենց առաջարկները ծրագրի հետագա արդյունավետ իրականացման համար:

Հանդիպման ընթացքում խոսվեց նաև կազմակերպության գրասենյակում ՄԻԱՎ-ի վերաբերյալ թեստավորման կարելիության մասին, եւ աշխատակիցները հավաստիացրեցին, որ ոչ աշխատանքային ժամերի եւ օրերի ընթացքում ՄԻԱՎ- վերաբերյալ թեստավորման հնարավորություն կունենան առավել շատ SUS-ների և տրանսգենդեր անձինք եւ այդ խմբերից կոմերցիոն սեռական ծառայություն տրամադրողներ:

Խոսվեց նաև Գլոբալ Հիմնադրամի ֆոնդերի հաշվին, Տղամարդկանց Առողջության Եվրասիական Կոալիցիայի (ECOM) կողմից ֆինանսավորվող «Առողջության Իրավունք» եւ «ՄԻԱՎ-ի եւ ՁԻԱՀ-ի կանխարգելումն ու տեղեկացվածության մակարդակի բարձրացումը SUS-ների եւ տրանսգենդեր անձանց շրջանում Լոռու, Շիրակի մարզերում եւ Երեւան քաղաքում» ծրագրերի համալրման և համատեղ արդյունավետ իրանականացման մասին: Այնուհետև ծրագրի աուրիչները եւ ՀԿ-ի աշխատակիցները եւ շահառուները ներկայացրեցին ՀԿ-ի հետագա գործունեությունն ու առաջխաղացումները:

«Քաղաքացիական հասարակության կազմակերպությունները առաջնագծում հանուն հավասար իրավունքների» եռօրյա դասընթաց



2017 թվականի փետրվարի 15-17-ը Գյումրի քաղաքում ՀՀ մարզերից և Երեւան քաղաքից ժամանած քաղաքացիական հասարակության կազմակերպությունների (ՔՀԿ) ներկայացուցիչների համար տեղի ունեցավ «Քաղաքացիական հասարակության կազմակերպությունների և ՋԼՄ-ների հզորացում՝ հանուն հայաստանում ԼԳՏԻ անձանց նկատմամբ խտրականության վերացման» ծրագրի շրջանակներում «Քաղաքացիական հասարակության կազմակերպությունները առաջնագծում՝ հանուն հավասար իրավունքների» սեմինար դասընթացը: Դասընթացի առաջին օրը փորձագետ Արայիկ Զալյանը ներկայացրեց մարդու իրավունքները և ՄԻԵԴ-ը՝ մանրամասնելով մարդու իրավունքների համընդհանուր հասկացությունը և պատմությունը: Քննարկվեցին տեղական օրենսդրություններ և միջազգային փաստաթղթեր, ՀՀ սահմանադրության ստեղծման պատմությունը, մարդու իրավունքների եվրոպական կոնվենցիան և եվրոպական դատարանը: Այնուհետև թիմային աշխատանքի միջոցով մասնակիցները ծանոթացան դատարաններում հայցվոր և պատասխանող կողմերի գրավոր դիմում կազմելու ճիշտ ձևերին: Երկրորդ օրը սկսվեց նախորդ օրվա ամփոփումով. մասնակիցները շատ ոգևորված էին դասընթացի արդիական թեմաներից: Փորձագետ Ա. Զալյանը ներկայացրեց խտրականության տեսակները, խտրականության արգելքով պաշտպանված հիմքերը և նրանց որոշակի հատկանիշները:

Այնուհետև կատարվեց տեսանյութի դիտում, որը ուղղված էր խտրականությանը:

Երրորդ օրվա դասընթացի փորձագետն էր Անահիտ Սիմոնյանը, ով մասնակիցների հետ ծանոթացավ և ներկայացրեց, թե ինչ է խտրականությունն իբրև իրավական խնդիր, խոսեց խտրականության վերաբերյալ միջազգային և ներպետական փաստաթղթերի մասին: Մասնակիցները շատ ոգևորված վերհիշեցին նախորդ օրվա ձեռք բերած գիտելիքները և շարունակեցին դրանք ավելի կիրառելի դարձնել խմբային աշխատանքների ժամանակ: Ա.Սիմոնյանը նաև ներկայացրեց, թե ինչու է մեզ անհարժեշտ «խտրականության դեմ



պայքարի մասին» օրենքի ընդունումը, որից հետո ներկայացրեց մի քանի իրավական փաստարկներ: Եռօրյա սեմինարի ավարտից հետո մասնակիցների մոտ այն միասնական համոզմունքն էր ձևավորվել, որ մեր հասարակության յուրաքանչյուր անդամ պետք է խտրականությունից պաշտպանվելու իրավական մեխանիզմներ ունենա: Նաև քննարկվեցին ԼԳՏԻ անձանց նկատմամբ խտրականության դեպքերը, ցուցադրվեց թեմայի վերաբերյալ տեսանյութ, որին հաջորդեց քննարկում:



Դասընթացը իրականացվեց «Քաղաքացիական հասարակության կազմակերպությունների և ՋԼՄ-ների հզորացում՝ հանուն հայաստանում ԼԳՏԻ անձանց նկատմամբ խտրականության վերացման» ծրագրի շրջանակներում որն իրականացնում էր «Նոր Սերունդ» Մարդասիրական ՀԿ-ն:

SUS-ների և ՏՐԱՆՍ* անձանց կարիքների գնահատում



2017թ. փետրվարի 19-ին և 21-ին «Նոր Սերունդ» Մարդասիրական ՀԿ-ի գրասենյակում տեղի ունեցան զԲՏՔ և SUS-ների հետ հանդիպում:

Հանդիպման նպատակն էր քննարկել համայնքի մոբիլիզացմանն ուղղված կազմակերպության գործունեությունը և ռեսուրս բաժնի աշխատանքները:

Կատարվեց մասնակից զԲՏՔ և SUS անձանց կարիքների գնահատում՝ շեշտադրելով առկա

խնդիրները, ներկայացվեցին ՄԻԱՎ-ի և ՁԻԱՀ-ի կանխարգելմանն ուղղված նոր առաջարկներ, ինչպես նաև քննարկվեցին նոր գաղափարներ, որոնք կարող են իրականացվել կազմակերպության կողմից տրամադրվող փոքր դրամաշնորհների միջոցով:

Երկու օրերի ընթացքում հանդիպումներին մասնակցել է թվով 50 SUS և տրանս* անձ:

«Նոր Սերունդ» Մարդասիրական ՀԿ-ում այսուհետ կգործի ռեսուրս կենտրոն, որտեղ այցելուները կարող են մասնակցել տարբեր հանդիպումների, քննարկումների, ակումբների, դասընթացների և այլ միջոցառումների:

Ռեսուրս կենտրոնի ակտիվ մասնակից դառնալու, ինչպես նաև կենտրոնի կողմից իրականացվող միջոցառումներին մանրամասն կերպով ծանոթանալու համար կարող եք լրացնել [հայտը](#):

Սիրով սպասում ենք Ձեզ մեր գրասենյակում:

Հաղթահարենք ՄԻԱՎ-ի նկատմամբ վախերը միասին թեմայով հանդիպում



2017թ. փետրվարի 22-ին «Նոր Սերունդ» Մարդասիրական ՀԿ-ի գրասենյակում տեղի ունեցավ «Հաղթահարենք ՄԻԱՎ-ի նկատմամբ վախերը միասին» թեմայով հանդիպումը:

ՄԻԱՎ-ի թեման մենահատուկ է այնքանով, որ այն հուզականորեն հագեցած է տարատեսակ նախապաշարմունքներով և ձևավորված միջերով, որոնք ձևավորվում և տարածվում են հասարակության և ՁԼՄ-ների միջոցով: Հանդիպման նպատակն էր կոտրել այն կարծրատիպերը, որոնք մեր հասարակության մեջ հաճախ վախ է սերմանվում ՄԻԱՎ-ի և ՄԻԱՎ-ով ապրող մարդկանց հանդեպ, որը հանգեցնում է մեկուսացման:

Հանդիպմանը ներկա էին մարդիկ, ովքեր կիսվեցին իրենց մտքերով և փորձով: Ինտերակտիվ խաղի միջոցով մասնակիցները այրեցին թղթի վրա իրենց գրառմամբ այն վախերը, որոնք կապված են ՄԻԱՎ-ի հետ, իսկ աշխարհը առավել բարեկեցիկ և ներառական դարձնելու

ցանկություններն ու պատրաստականությունը փաթեթավորվեցին գեղեցիկ մի արկղում՝ պատված ՁԻԱՀ-ի խորհրդանիշ հանդիսացող կարմիր ժապավենով: Արկղիկը կբացվի և դրա պարունակությունը կընթերցվի 2017թ.-ի փետրվարի 28-ին կայանալիք համերաշխության ընթրիքի ժամանակ (մանրամասները [ԱՅՍՏԵՂ](#))



Հանդիպումը ֆասիլիտացնող էլվիրա Մելիքսեթյանը ասում է.

«Ես կարևորում եմ նմանատիպ ոչ ֆորմալ հանդիպում-քննարկումները, քանի որ հավատում եմ, որ դրանք գիտելիքի, փորձառության փոխանակման լավագույն տարբերակներից են: Շատ ողջունելի էր

նկատելը հանդիպանը այդքան մարդկանց ներկա լինելը. դա նշանակում է, որ քննարկման թեման արդիական է, ինչը, բնականաբար, էլ ավելի է մոտիվացնում կազմակերպիչներին նմանատիպ հարթակներ ստեղծելուն: Ինձ համար շատ կարևոր էր հարթակը հիմնականում մասնակիցներին տրամադրելը, իսկ նրանց ակտիվությանը հետևելը՝ շատ ոգևորիչ: Հատկանշական է, որ որքան էլ խոսում ենք ՄԻԱՎ-ի մասին, բարձրաձայնում ենք միջերը դրա շուրջ, բացահայտում վերջիններիս ձևավորման պատճառականությունը, այնուամենայնիվ, ՄԻԱՎ-ի նկատմամբ չարդարացված վախը հասարակության կողմից պահպանվում է կամ մասամբ է նվազում: Ես կարծում եմ, որ անհրաժեշտ է պարբերաբար կազմակերպել նմանատիպ հանդիպումներ՝ քննարկելու տարատեսակ հարցեր կապված երևույթի հոգեբանական ասպեկտի հետ, քանի որ, թերևս սա այն ոլորտն է, որը համապարփակ ուշադրության չի արժանանում: Դեռ շատ անելիք ունենք ոլորտում՝ հոգեկան առողջության պահպանման և դրա վերականգնման տեսանկյունից, բայց իհարկե այս ամենը ժամանակ և համապատասխան ռեսուրսներ տրամադրելու կարիք ունի»:

Համերաշխության ընթրիքը «Նոր Սերունդ» Մարդասիրական ՀԿ-ի գրասենյակում



2017թ.-ի փետրվարի 28-ին «Նոր Սերունդ» Մարդասիրական ՀԿ-ի գրասենյակում տեղի ունեցավ «Համերաշխության ընթրիք»-ը ԼԳԲԻՔ անձանց համար: Ինչպես անհատական, այնպես էլ համայնքային

բարեկեցության կարևոր գործոններից մեկը համերաշխության զգացողության առկայությունն է: Առօրյա հոգսերի և ծանրաբեռնվածության պատճառով մենք հաճախ անտեսում ենք մեր հարաբերությունները ինքներս մեզ, այլ մարդկանց և աշխարհի հետ: Նման մթնոլորտը երբեմն հագեցնում է կոնֆլիկտածին իրավիճակներով, և մենք միմյանց փոխադարձաբար ընդունելու և հասկանալու փոխարեն էլ ավելի ենք սրում իրավիճակը: Համերաշխության ընթրիքը նպատակ ուներ մի հարկի տակ հավաքելու ԼԳԲՏՔ + մարդկանց և փորձելու դրական

միջավայրի ու համեղ ընթրիքի ներքո արթնացնելու համերաշխության մթնոլորտը մեր ներսում և մեր միջև: Ընթրիքի ընթացքում ստեղծվեց հաճելի և ջերմ երեկո, որտեղ յուրաքանչյուրը կարողացավ կիսել իր մտքերը, նույնիսկ այն պատմությունները, որոնց մասին երբևիցե չէր խոսել կամ կիսվել: Հյուրերը կիսվեցին իրենց մտքերով՝ թե ինչ է իրենց համար համերաշխությունը կամ կարևորում ենք արդյոք այն մեր կյանքում կամ համայնքում: Իսկ վերջում բացվեց շատ սպասված այն արկղիկը, որը «Հաղթահարենք ՄԻԱՎ-ի նկատմամբ վախերը միասին» թեմայով դասընթացի ժամանակ մասնակիցների գրի առած ցանկություններն ու պատրաստակամությունն էին աշխարհը առավել բարեկեցիկ և ներառական դարձնելու համար:



-Հանդիպման ֆասիլիտատորի առավելություններից մեկն այն է, որ խումբը

մշտապես ուշադրությանդ կենտրոնում է և կարողանում ես հաղորդակից լինել սենյակում տեղի ունեցող ամեն բանի. այս հանդիպումը շատ արգասաբեր էր այդ տեսանկյունից: Անձամբ ինձ համար այն ոգևորիչ էր. հետաքրքիր էր լսելը մարդկանց կարծիքները համերաշխության շուրջ, որոնք նաև ուսուցողական էին, իրենց անձնական պատմություններին հաղորդակից լինելը՝ շատ արժեքավոր: Հաճելի էր մերթընդմերթ նկատել, որ սենյակը ողողվում է ապրումակցման շնչով: Ես հավատացած եմ, որ ժամանակ առ ժամանակ նմանատիպ հանդիպումները անհրաժեշտ են, որովհետև անմիջական և բարյացկամ միջավայրը նպաստում է ներքին կաշկանդվածության աստիճանական թուլանալուն, ինչու չէ՞ նաև մտերմանալուն և համերաշխության մթնոլորտ ձևավորելուն: Հատկանշական էր նաև, որ ներկա էին մարդիկ, ովքեր առաջին անգամ էին հյուրընկալել կազմակերպություն, կարծում եմ՝ նմանատիպ նախաձեռնություններով մենք նպաստում ենք համայնքի ավելի միասնական լինելուն և առողջ հարաբերությունների ձևավորմանը:

«Համերաշխության ընթրիքի» ֆասիլիտատորի հոգեբան Էլվիրա Մելիքսեթյան

ՌԵՍՈՒՐՍ ԿԵՆՏՐՈՆ

Երկուշաբթի	Երեքշաբթի	Չորեքշաբթի
		Մարտի 1
		Անգլերեն և տուրիզմ 18:00 - 19:30
Մարտի 6	Մարտի 7	Մարտի 8
Անգլերեն և տուրիզմ 18:00 - 19:30	Ֆիլմի դիտում և քննարկում 18:00 - 20:00	Անգլերեն և տուրիզմ 18:00 - 19:30
Մարտի 13	Մարտի 14	Մարտի 15
Անգլերեն և տուրիզմ 18:00 - 19:30	Erasmus+ 18:00	Անգլերեն և տուրիզմ 18:00 - 19:30
Մարտի 20	Մարտի 21	Մարտի 22
Անգլերեն և տուրիզմ 18:00 - 19:30	Մարդու իրավունքների ակումբ 17:30	Անգլերեն և տուրիզմ 18:00 - 19:30
Մարտի 27	Մարտի 28	Մարտի 29
Անգլերեն և տուրիզմ 18:00 - 19:30	Համակարգչային դասընթացներ 18:00	Անգլերեն և տուրիզմ 18:00 - 19:30
Հինգշաբթի	Ուրբաթ	Շաբաթ
Մարտի 2	Մարտի 3	Մարտի 4
Առաջնություն 18:00 - 20:00	Մեռականություն և տրանսգենդերություն 18:00 - 20:00	Բնչալես արձագանքել ատելության խտրին օնլայն տիրություն 18:00 - 20:00
Մարտի 9	Մարտի 10	Մարտի 11
	Անգլերեն և տուրիզմ 18:00 - 19:30	
Մարտի 16	Մարտի 17	Մարտի 18
	Անգլերեն և տուրիզմ 18:00 - 19:30	ՄԻԱՎ-ի և ՉԻԱՀ-ի կանխարգելման սեմինար 18:00 - 20:00
Մարտի 23	Մարտի 24	Մարտի 25
	Անգլերեն և տուրիզմ 18:00 - 19:30	Erasmus + 18:00 - 20:00
Մարտի 30	Մարտի 31	
	Անգլերեն և տուրիզմ 18:00 - 19:30	



Այսուհետ «Նոր Սերունդ» Մարդասիրական ՀԿ-ի գրասենյակում կգործի ռեսուրս կենտրոն, որտեղ յուրաքանչյուր ոք կարող է կիսել իր փորձն ու գիտելիքները և բերել նոր հմտություններ:

Ամեն շաբաթ գրասենյակում տեղի կունենան հանդիպումներ, դասընթացներ՝ տարբեր թեմաներով:

Յուրաքանչյուր կարող ենք ունենալ մեր ներդրումը հասարակության զարգացման գործում:

Թեմաները, առաջարկները բաց են լրացումների և փոփոխությունների համար:

Եթե կարծում ես, որ հենց դու կարող ես կիսել քո հմտությունները կամ ձեռք բերել, ապա՝ դիմիր՝ լրացնելով հայտարկումը <http://ngngo.net> կայք էջում:

Եթե փնտրում եք անվճար տարածք սեփական նախաձեռնությունները իրականացնելու համար, ապա ինդրում ենք զանգահարել +374(0)60478989 ամրագրման համար:

ՄԵՆՔ ՍՈՑԻԱԼԱԿԱՆ ՑԱՆՅԵՐՈՒՄ



NEW GENERATION
HUMANITARIAN NGO



@NGNGO



@NGNGO.ARMENIA

ԺԱՄԱՆԱԿԻՆ ՀԱՄԱՔԱՅԼ # 23